

Bosna i Hercegovina
Federacija Bosne i Hercegovine
FEDERALNO MINISTARSTVO
OKOLIŠA I TURIZMA

Bosnia and Herzegovina
Federation of Bosnia and Herzegovina
FBiH MINISTRY OF
ENVIRONMENT AND TOURISM

Broj: 06-18-201/23
Sarajevo, 27.3.2023. godine

Vlada Federacija BiH

n/p mr.sc. Edita Kalajdžić, sekretar Vlade Federacije BiH

Predstavnički dom Parlamenta Federacije BiH

n/p gosp.Ivan Miličević, sekretar
n/p gđa. Edita Mazić, zastupnica

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 27-03-2023			
Org. jed.	Broj	Priloga	Vrijednost
05/1	-02-	80	/23

Predmet: Odgovor na zastupničko pitanje

Veza: Akt broj: 03-04-320-9/23 od 17.3.2023. godine i akt broj: 05/1-02-80/23 od 15.3.2023. godine

Poštovani,

U vezi odgovora na zastupničko pitanje, koje je zastupnica Edita Mazić postavila na 2. redovnoj sjednici Zastupničkog doma Parlamenta Federacije BiH održanoj 15.3.2023. godine, a koje glasi:

„Poštovani,

U skladu sa članom 11. Poslovnika o radu Zastupničkog doma Parlamenta Federacije Bosne i Hercegovine, ovim putem postavljam sljedeće zastupničko pitanje:

Da li će i u ovoj godini građani imati na raspolaganju vaučere za odmor na nekoj od destinacija unutar FBiH, a koje je prošle godine odobrila Vlada FBiH?

OBRAZLOŽENJE

Prema dostupnim informacijama, Federalno ministarstvo okoliša i turizma je izdvojilo 2 miliona KM za turističke vaučere u 2022. godini, a dodjela istih je izazvala veliko interesovanje kod građana. Jedan ovakav projekat je znatno doprinio povećanju putovanja domaćih turista, kao i povećanju potrošnje u turističko-ugostiteljskom sektoru na području Federacije.

Smatram da je ovaj program potrebno nastaviti i u 2023. godini, naravno po mogućnosti u većim finansijskim iznosima, obzirom da time podstičemo domaći turizam, promoviramo ljepote naše države i ostavljamo mogućnost građanima da odmor provedu u nekoj od najbližih turističkih ponuda naših gradova.

Svjesni teškog vremena praćenog inflacijom upitno je da li će naši građani moći sebi priuštiti ikakvo putovanje. Stoga, zbog velikog interesa i stalnog upita za projektom koji se pokazao korisnim i značajnim za naš turistički sektor, nadam se pozitivnom odgovoru i skorijoj realizaciji istog.“

Na gore navedeno zastupničko pitanje, dajemo sljedeći:

ODGOVOR

U cilju ostvarivanja strateškog cilja utvrđenog Strategijom razvoja Federacije BiH 2021. - 2027. kroz strateški cilj: „Ubrzan ekonomski razvoj“ utvrđena je mjera: „Podržavati razvoj poduzetništva turističkog sektora“. Posebno je naglašena potreba identifikacije turističkih potencijala Federacije BiH i promocije turističkih destinacija, te razvoj ruralnog turizma. Zajedničko je stajalište da se bogati turistički potencijali, uz pažljiva i planska ulaganja, u relativno kratkom roku mogu staviti u funkciju i postati generator privrednog razvoja.

Vlada Federacije BiH je u 2022. godini putem Federalnog ministarstva okoliša i turizma sufinansirala pet programa kroz Odluku o usvajanju programa utroška sredstava sa kriterijima raspodjele sredstava „Tekući transferi drugim nivoima vlasti i fondovima - Transfer za razvoj turizma u Federaciji BiH“, utvrđenih Budžetom Federacije Bosne i Hercegovine za 2022. godinu u ukupnom iznosu od 5.000.000,00 KM, a od toga je za Program 1. „Promocija domaćeg turizma subvencioniranjem boravka građanima Federacije BiH u ugostiteljskim objektima koji pružaju usluge smještaja na području Federacije BiH“ izdvojila sredstva u ukupnom iznosu od 2.000.000,00 KM.

Svrha ovog programa je bila promocija turističke ponude Federacije BiH subvencioniranjem turističkih paket aranžmana građanima Federacije BiH/ domaći turisti, putem vaučera sa ciljem da uz digitalizaciju sektora, pomognemo građanima Federacije BiH /domaćim turistima da otkriju ljepote Federacije BiH, da ih potaknemo na putovanje i domaći turizam, te produžimo turističku sezonu.

Na ovaj način se počelo sa digitalizacijom sektora turizma, a prema nezvaničnim podacima i informacijama vladalo je veliko interesovanje građana za ovaj vid promocije turističke ponude Federacije BiH i pokazalo se da je to dobar način promocije domaćeg turizma, turističkih mjesta i smještajnih kapaciteta na području Federacije BiH.

Međutim, Vlada Federacije BiH kao i Federalno ministarstvo okoliša i turizma su u obavezi provoditi i druge strateške ciljeve utvrđene Strategijom razvoja Federacije, te planovima i programima rada, tako da se Vlada Federacije BiH odnosno Federalno ministarstvo okoliša i turizma opredijelilo da putem Odluke o usvajanju programa utroška sredstava sa kriterijima raspodjele sredstava „Tekući transferi drugim nivoima vlasti i fondovima -Transfer za razvoj turizma u Federaciji BiH“, utvrđenih Budžetom Federacije Bosne i Hercegovine za 2023. godinu sufinansira programe i to:

Program 1. Program podrške turističko-ugostiteljskim manifestacijama koje imaju nacionalni i internacionalni značaj za Federaciju BiH (konferencije, sajmovi, turističko -

gastronomске i druge manifestacije), u ukupnom iznosu od 300.000,00 KM u svrhu promocije domaćih turističkih proizvoda i turističkih destinacija u cilju razvoja i unapređenja turističke ponude Federacije BiH kroz održavanje manifestacija, koje kao glavni motiv imaju povećanje posjetitelja na području Federacije BiH i razvoja održivog turizma.

Program 2. Nabavka opreme u cilju razvoja avanturističkog turizma u ruralnim predjelima, u ukupnom iznosu od 700.000,00 KM, u svrhu unapređenja turističke ponude u ruralnim predjelima s naglaskom na avanturistički turizam u cilju unapređenja kvaliteta usluge kroz nabavku opreme.

Program 3. Sufinansiranje projekata iz turističko-ugostiteljskog sektora putem kreditne linije Razvojne banke Federacije BiH: Kreditna linija za dugoročno kreditiranje turističkog sektora, u cilju razvoja održivog turizma u Federaciji BiH, u ukupnom iznosu od 1.000.000,00 KM, u svrhu poticaja izgradnji novih i adaptaciji postojećih smještajnih i turističko - ugostiteljskih kapaciteta, doprinosa povećanju kvaliteta turističke ponude i turističkih sadržaja, povećanje kvaliteta života u ruralnim područjima, stvaranja uslova za ostanak mladih na selu, očuvanja tradicijskih stambenih objekata i razvoja seoskog turizma kao novog turističkog proizvoda i ostali projekti koji doprinose održivom razvoju turizma.

S poštovanjem,

MINISTRICA
Dr. Edita Đapo



Dostaviti:

- Naslovu,
- a/a.